



UNIVERSITÄTS-
BIBLIOTHEK
PADERBORN

Universitätsbibliothek Paderborn

Syntaxis Historiæ Evangelicæ

Cope, Alan

Lovanii, M.D.LXXII.

148. Pilatus interrogat Christum, an sit Rex Iudæorum.

[urn:nbn:de:hbz:466:1-47925](https://nbn-resolving.org/urn:nbn:de:hbz:466:1-47925)

CAP. 148. Pilatus interrogat Christum, an sit Rex Iudeorum. Matth. 27.

* 146. Mar. 15. * 145. Luc. 23. * 147. Iohan. 18. * 147.

S. Mattheus.

Iesus autem stetit ante præsidem, & interrogavit eum præses, dicēs, Tu es Rex Iudeorum? Dicit illi Iesus, Tu dicis. Et cum accusaretur à principibus sacerdotum & senioribus, nihil respondit. Tunc dicit illi Pilatus, Non audis quanta adversum te dicunt testimonia? Et non respondit ei ad vllum verbum: ita ut miraretur præses vehementer. * 151.

S. Marcus.

ET interrogavit eum Pilatus, Tu es rex Iudeorum? At ille respondens, ait illi, Tu dicis. Et accusabant eum summi sacerdotes multis. Pilatus autem rursus interrogavit eum, dicens, Non respondes quicquam? vide in quantis te accusant. Iesus autem amplius nihil respondit: ita ut miraretur Pilatus. * 151.

S. Lucas.

Pilatus autem interrogavit eum, dicens, Tu es rex Iudeorum? At ille respondens ait, Tu dicis. * 149.

S. Iohannes.

Introivit ergo iterum in prætorium Pilatus, & vocavit Iesum, & dixit ei, Tu es Rex Iudeorum? Respondens Iesus, A temetipso hoc dicis, an alij dixerunt tibi de me? Respondit Pilatus, Nunquid ego Iudeus sum? Gens tua, & Pontifices tradiderunt te mihi: quid fecisti? Respondit Iesus, Regnum meum non est de hoc mundo. si ex hoc mundo esset regnum meum, ministri mei utique decertarent ut non traderent Iudeis. nunc autem regnum meum non est hinc. Dixit itaque ei Pilatus, Ergo rex es tu? Respondit Iesus, Tu dicis, quia rex sum ego. Ego in hoc natus sum, & ad hoc veni in mundum: ut testimonium perhibeam veritati. omnis qui est ex veritate, audit vocem meam. * 149.

c 2 Cap.